

Lomiga mo le Polokalame mo le Sauniga o le Faiva ma le Olaga Faa-Kerisiano

TESEMA 3-9

'OA TAUTELE MAI I LE AFIOGA A LE ATUA | GALUEGA 9-11

"O Lē sa Matuā Sauā ae ua Avea ma Molimau Maelega"

(Galuega 9:1, 2) A ua faamata'u atu pea Saulo i soo o le Alii ma matuā naunau e fasiotia i latou, ua alu atu o ia i le ositaulaga sili, ² ma talosaga atu mo ni tusi e avatu i sunako i Tamaseko, ina ia saisaia e ia i latou uma o tane ma fafine e maua ua 'au i Le Ala, ma avatu i latou i Ierusalem.

bt 60 ¶1-2

"Ua Nonofo Filemu" le Faapotopotoga

UA LATALATA atu i Tamaseko le 'aumalaga o loo matamata ita, ma le faamoemoe e faataunu la latou fuafuaga leaga, e fetoso ese mai ma le ita soo inosia o lesu mai i o latou aiga, saisi, faalumaina ma avatu faamalosi i Ierusalem, ina ia tutū i luma o le 'au Saniterini ua matuā feita.

² O le ta'ita'i o le vaega faatupu faalavelave o Saulo, o le tagata ua totolima. E le'i leva tele atu, na ia vaavaai atu ai ma le fiafia a o fetogiina Setefano o se soo maelega o lesu, e tagata mapolotu i maa ma oti ai. (Galu. 7:57-8:1) E le'i faamalieina o ia i sauāga na oo i soo o lesu sa nonofo i Ierusalem, ma ua avea Saulo e pei o se afi mumū ua nofosauni e faasasao atu sauāga. Na mana'o o ia e soloia le lotu ua sosolo e pei o se faama'i lea na lauiloa, o "Le Ala."—Galu. 9:1, 2.

(Galuega 9:15, 16) A ua fetalai mai le Alii iā te ia: "Inā alu ia oe, auā o lenei tagata o le ipu ia ua filifilia mo a'u, e tala'i atu lo'u igoa i nuu ese faapea fo'i ma tupu, ma le fanauga a Israuelu. ¹⁶ Ou te faailoa manino atu fo'i iā te ia le tele o

mea e tatau ona ia mafatia ai ona o lo'u igoa."

w16.06 7 ¶4

Talisapaia leova o lo Tatou Fai Ipu Omea

⁴ Pe a silasila mai leova i tagata, e lē ua'i o ia i o latou foliga vaaia. Nai lo lea, e na te iloiloina o latou loto po o tagata lilo i totonu. (**Faitau le 1 Samuelu 16:7e.**) Na faata'ita'ia manino mai lenā manatu ina ua faavaeina e le Atua le faapotopotoga Kerisiano. E na te tosina atu iā te ia ma lona Alo tagata e foliga mai e lē tāua i le vaaiga a tagata. (Io. 6:44) O se tasi o na tagata o le Faresao o Saulo, o lē na "upuleaga muamua ma faasauā, ma o se tagata fiasili." (1 Timo. 1:13) Peita'i, e le'i silasila lē "na te su'esu'eina loto" iā Saulo o sē e lē aogā. (Faata. 17:3) Nai lo o lea, na silasila le Atua iā te ia o se 'ele e mafai ona faatonutonuina e avea ma ipu matagofie, o se 'ipu ua filifilia' e molimau atu i "nuu ese faapea fo'i ma tupu, ma le fanauga a Israuelu." (Galu. 9:15) E silasila fo'i le Atua i isi e ono avea ma "ipu e faaaogā mo mea ta'uleleia," e aofia ai i latou na avea muamua ma tagata onanā, lē mamā tau amio ma gāoi. (Roma 9:21; 1 Kori. 6:9-11) Ua latou faatagaina leova e faatonutonuina i latou a o latou mauaina le poto sa'o i le Afioga a le Atua ma faaalia le faatuatua.

(Galuega 9:20-22) ona amata loa lea ona ia tala'ia lesu i le sunako e faapea, o la lenei o le Alo o le Atua. ²¹ A ua matuā maofa i latou uma ua faalogo iā te ia, ma faapea ane: "Pe e lē o le tagata ea lenei na soona faasauā iā i latou na valaau i lenā suafa i Ierusalem, ma o le mea fo'i lea ua sau ai o ia i inei, ina ia saisaia i latou ma ta'ita'i atu i le 'aufaitaulaga sili?' ²² Ua atili ai ona malosi Saulo, ma ua maofa tagata lutaia o loo nonofo i Tamaseko, a o ia faailoa manino atu iā i latou, o le Keriso lava lenei.

bt 64 ¶15

“Ua Nonofo Filemu” le Faapotopotoga

¹⁵ Pe e mafai ona e mafaufau i le faate’ia ma le feita atonu na oo i le motu o tagata, ina ua amata ona tala’i Saulo i le sunako e uiga iā lesu? Na latou fesili atu, “Pe e lē o le tagata ea lenei na soona faasauā iā i latou na valaau i lenā suafa i Ierusalem?” (Galu. 9:21) Ina ua ia faamatala atu le suia o lona loto e uiga iā lesu, ua ia “faailoa manino atu iā i latou, o le Keriso lava lenei.” (Galu. 9:22) Ae e lē o tagata uma e mafai ona suia pe a faailoa manino atu i ai. E lē mafai ona suia ai mafau-fauga o tagata uma o loo tausisi pea i a latou tū ma aganuu, po o le faamaualuga. Ae e le’i faavaivai ai Saulo.

Sa’ili’iliga Loloto mo ‘Oa Faaleagaga

(Galuega 9:4) ua pa’ū o ia i le eleele ma faalogoina se leo o faapea mai iā te ia: “Saulo, Saulo e, aiseā ua e faasauā mai ai iā te a’u?”

bt 60-61 ¶5-6

“Ua Nonofo Filemu” le Faapotopotoga

⁵ Ina ua taofia e lesu Saulo i le auala i Tamaseko, e le’i fesili atu o ia: “Aiseā ua e faasauā ai i o’u soo?” E pei ona mātaulia i luga, na ia faapea atu: “Aiseā ua e faasauā mai ai iā te a’u?” (Galu. 9:4) Na lagona e lesu tigā na oo i lona ‘ausoo.—Mata. 25:34-40, 45.

⁶ Afai e sauāina oe ona o lou faatuatua iā Keriso, ia e mautinoa o loo silafia uma e leova ma lesu lou tulaga. (Mata. 10:22, 28-31) I le taimi nei, atonu e lē mafai ona aveesea tofotofoga. Ia manatua, na silafia e lesu na aafia Saulo i le fasiotiga o Setefano, ma na ia silafia fo’i na ave faamalosi e Saulo soo faamaoni mai i o latou aiga i Ierusalem. (Galu. 8:3) Peita’i, e le’i faalavelave i ai lesu i lenā taimi. Ae e ala iā lesu, na avatu ai e leova iā Setefano ma isi soo le malosi na latou mana’omia, e tumau ai i le faatuatua.

(Galuega 10:6) O loo talimālō le tasi Simona, o lē e saunia pa’u o manu, i lenei tagata, ma o lona fale e latalata i le sami.”

nwtsty faamatalaga mo su’esu’ega o le Ga 10:6

Simona, o lē e saunia pa’u o manu: O sē e galue e saunia pa’u o manu, e na te faaaaogā se vailaau (lime solution) e aveese ai ni fulufulu po o fasi aano ma mea lololo e pipii i pa’u o manu. Ona ia faaaaogā lea o se isi vailaau malosi e faaleleia ai le pa’u o le manu, ina ia mafai ona faaaaogā e gaosi ai mea. O le saunia o pa’u o manu o se galuega e namu leaga ma e mana’omia ai le tele o le vai, ma e foliga mai o le māfuaaga lea na nofo ai Simona e **latalata i le sami**, atonu i se vaega maotua o le aai o lopa. E tusa ai ma le Tulafono a Mose, o se tagata e galue i tino o manu ua mamate e lē mamā o ia. (Le 5:2; 11:39) O lea, o le to’atele o tagata lutaia na vaai maulalo i ē e saunia pa’u o manu, ma e le’i manana’o e nonofo i fale o i latou na. O le mea moni, na faatulaga e se tusi tulafono a lutaia o le *Talmud* le galuega o le saunia o pa’u o manu, e sili atu ona maulalo nai lo o le galuega o le aoina o otaota o manu. Peita’i, e le’i avea na uiga faailoga tagata e taofia ai Peteru mai i le nofo i le fale o Simona. O le sa’o o le vaai a Peteru i lenei tulaga na sauniunia ai o ia mo lona tofiga na sosoo ai, o le asiiasi atu lea i le fale o se tagata o nuu ese. E manatu nisi tagata popoto o le upu Eleni mo “lē e saunia pa’u o manu” (*byr·seus’*), o le faai’u lea o Simona.

Faitau Tusi Paia

(Galuega 9:10-22) E iai se tasi soo e igoa iā Anania i Tamaseko, ma ua fetalai mai le Alii iā te ia i se faaaliga: “Anania e!” Ua ia faapea atu: “O a’u lenei le Alii e.” ¹¹ Ua faapea mai le Alii iā te ia: “Inā tū ia i luga ma alu i le auala e igoa o Sa’o, i le fale o luta ma sa’ili ai le tagata e igoa iā Saulo mai i Taso. Faauta! o loo

tatalo o ia¹² ma ua ia vaia i se faaaliga le tata e goa iā Anania, ua sau ma faaee ona lima iā te ia ina ia toe lelei ai lana vaai.”¹³ A ua tali atu Anania: “Le Alii e, ua ou faalogo i le to’atele e uiga i lenā tagata, i le tele o mea leaga ua ia faia i ou tagata paia i Ierusalem. ¹⁴ Ua iā te ia le pule mai i le ‘aufaitaulaga sili e saisaia ai i latou ua valaau i lou suafa.”¹⁵ A ua fetalai mai le Alii iā te ia: “Inā alu ia oe, auā o lenei tagata o le ipu ia ua filifilia mo a’u, e tala’i atu lo’u goa i nuu ese faapea fo’i ma tupu, ma le fanauga a Israelu.¹⁶ Ou te faailoa manino atu fo’i iā te ia le tele o mea e tatau ona ia mafatia ai ona o lo’u goa.”¹⁷ Ona alu lea o Anania ma ulufale atu i le fale, ma faaee ona lima iā te ia ma faapea atu: “Lo’u uso e, Saulo, ua auina mai a’u e le Alii o lesu, lea na faaali atu iā te oe i le auala na e sau ai, ina ia e toe vaai ma faatumuina oe i le agaga paia.”¹⁸ Ona pa’u’u ese loa lea o mea e pei o ni una mai i ona mata, ma ua ia toe vaai ai. Ua ia tula’i ma ua papatisoina o ia,¹⁹ ua ‘ai ma ua toe maua lona malosi. Ua nofo fo’i o ia faatasi ma le ‘ausoo i Tamaseko mo ni nai aso,²⁰ ona amata loa lea ona ia tala’ia lesu i le sunako e faapea, o la lenei o le Alo o le Atua.²¹ A ua matuā maofa i latou uma ua faalogo iā te ia, ma faapea ane: “Pe e lē o le tagata ea lenei na soona faasauā iā i latou na valaau i lenā suafa i Ierusalem, ma o le mea fo’i lea ua sau ai o ia i inei, ina ia saisaia i latou ma ta’ita’i atu i le ‘aufaitaulaga sili?”²² Ua atili ai ona malosi Saulo, ma ua maofa tagata lutaia o loo nonofo i Tamaseko, a o ia faailoa manino atu iā i latou, o le Keriso lava lenei.

TESEMA 10-16

‘OA TAUTELE MAI I LE AFIOGA A LE ATUA | GALUEGA 12-14

“Faia e Panapa ma Paulo Isi ma Soo i Nuu Mamao”

(Galuega 13:2, 3) A o latou auauna atu iā

leova ma anapopogi, ua faapea mai le agaga paia: “la tofia Panapa ma Saulo mai i tagata uma, ina ia faia le galuega lea ua ou valaauina ai i la’ua e fai.”³ Ona latou anapopogi lea ma tatalo, ma faaee atu o latou lima iā i la’ua ma tuuina atu i la’ua e ō.

bt 86 ¶4

“Faatumulia . . . i le Olioli ma le Agaga Paia”

4 Ae aiseā na faatonuina faapitoa ai e le agaga paia e tofia Panapa ma Saulo e “faia le galuega”? (Galu. 13:2) E lē o ta’ua mai i le Tusi Paia. Ae tatou te iloa sa faatonuina e le agaga paia le filifilia o nei tane. E leai se faamaoniga e faapea sa lē fiafia perofeta ma faia’oga i Anetioka i nei filifiliga. Nai i lo o lenā, sa latou lagolagosua atoatoa i lenei tofiga. Se’i manatu i faalogona o Panapa ma Saulo e uiga i o la uso faaleagaga, e le’i matau’ā ae na “latou anapopogi . . . ma tatalo, ma faaee atu o latou lima iā i la’ua ma tuuina atu i la’ua e ō.” (Galu. 13:3) E tatau fo’i iā i tatou ona lagolagosua iā i latou e maua faaeaga faatiokarate, e aofia ai ma tane ua tofia e avea ma ovasia i faapopotoga. Nai lo o le matau’ā i ē ua maua nei faaeaga, e tatau ona tatou “matuā faaaloalo iā i latou ma le alofa ona o la latou galuega.” —1 Tesa. 5:13.

(Galuega 13:12) Ina ua vaai le suikonesula i le mea ua tupu, ona talitonu ai lea o ia, ma ua ofo ai i a’oa’oga a leova.

(Galuega 13:48) Ina ua faalogo i ai i latou o nuu ese, ona latou olioli ai lea ma faamamaluna le afioga a leova. Ua talitonu fo’i i latou uma o ē ua saunia o latou loto mo le ola e faavavau.

(Galuega 14:1) A o iai i Ikonio, ona la ulufale faatasi atu lea i le sunako o tagata lutaia, ma o lo la tautatala atu i upu faaoso naunau, ua talitonu ai le to’atele o tagata lutaia atoa ma Eleni.

bt 95 ¶5

“Tautatala Atu ma le Lototetele e Ala i le Pule Mai lā leova”

⁵ Na nonofo muamua Paulo ma Panapa i Ikonio, ma sa masani i la'ua i aganuu eseese a Eleni, ma o se tasi lea o aai autū o le itumalo o Roma o Kalatia. O lenei aai, sa nonofo ai le anoanoa'i o tagata lauiloa o lutaia, ma le to'atele o tagata liulotu e lē o ni lutaia. E tusa ai ma la la'ua masani, na ulufale ai Paulo ma Panapa i le sunako ma amata ona tala'i atu. (Galu. 13:5, 14) Na “la tautatala atu i upu faaoso naunau, ua talitonu ai le to'atele o tagata lutaia, atoa ma Eleni.”—Galu. 14:1.

(Galuega 14:21, 22) Ina ua uma ona la folafolaina atu le tala lelei i lenā aai, ma maua mai ai le tele o soo, ona la toe fo'i lea i Lusa, Ikonio, ma Anetioka. ²² Ua la faamalosia loto o le 'ausoo, ma faalaeiauina i latou ina ia tumau i le faatuatua ma faapea atu: “E tatau ona tatou sao atu i le malo o le Atua i le tele o puapuaga.”

w14 9/15 13 ¶4-5

la Auauna Faamaoni i le Atua e ui i le “Tele o Puapuaga”

⁴ Ina ua uma ona asiiasi atu Paulo ma Panapa i Teipe, ona la “toe fo'i lea i Lusa, Ikonio, ma Anetioka. Ua la faamalosia loto o le 'ausoo, ma faalaeiauina i latou ina ia tumau i le faatuatua ma faapea atu: ‘E tatau ona tatou sao atu i le malo o le Atua i le tele o puapuaga.’”

(Galu. 14:21, 22) I le taimi muamua, sa foliga mai e uigaese lenā faamatalaga. Auā o le feagai ma le “tele o puapuaga,” e foliga mai o le a mafatia ai nai lo o le faalaeiauina ai. Na faapefea la iā Paulo ma Panapa ona “faamalosia loto o le 'ausoo,” i se fe'au sa faasino atu i le tele o puapuaga?

⁵ E tatou te maua le tali pe a taga'i lelei i upu a Paulo. E le'i faapea mai o ia: “E tatau ona tatou **onosaia** le tele o puapuaga.” Nai lo o lea, na faapea mai: “E tatau ona tatou **sao atu**

i le malo o le Atua i le tele o puapuaga.” O lea, sa faamalosia e Paulo le 'ausoo e ala i le faamatilatila o le i'uga aogā o se olaga faamoni. O lenā taui e lē na o se talafatu, auā na fetalai lesu: “O lē e tumau se'ia oo i le i'uga e **faaolaina** o ia.”—Mata. 10:22.

Sa'ilililiga Loloto mo 'Oa Faaleagaga

(Galuega 12:21-23) Ua oo i le aso atofaina, ona ofu ai lea o Herota i ofu o le tupu, ma nofo i le nofoa faamasino ma lauga atu iā i latou.

²² Ona alalaga lea o tagata ua potopoto: “O le si'ufogaga o se atua, ae lē o le leo o se tagata!”

²³ Ona taia loa lea o ia e le agelu a leova, auā e le'i vivii atu o ia i le Atua; ma ua 'ati o ia e anufe ma oti ai.

w08 5/15 32 ¶7

Manatu Tāua Mai le Tusi o Galuega

12:21-23; 14:14-18. Na talia e Herota le viiga mai i tagata lea e tatau ona avatu tau lava o le Atua. E matuā ese lenā mai le teena vave ma le maumaua'i o le viiga ma le mamalu na avatu iā Paulo ma Panapa! Po o ā lava mea ua mafai ona tatou faia i le auaunaga iā leova, e lē tatau ona tatou manana'o i le viiga.

(Galuega 13:9) Ua faatumulia Saulo o lē ua igoa fo'i iā Paulo, i le agaga paia ma ua pulato'a atu iā te ia

nwtsty faamatalaga mo su'esu'ega o le Ga 13:9

Saulo o lē ua igoa fo'i iā Paulo: Na amata mai i lenā taimi ona ta'ua Saulo o Paulo. Na fanau mai le aposetolo o se Eperu ae o ia fo'i o se tagatānuu Roma. (Ga 22:27, 28; Fil 3:5) E foliga mai na iai lava lona igoa Eperu o Saulo ma lona igoa Roma o Paulo a o la'itiiti. O se tulaga masani i tagata lutaia i lenā taimi le ta'ilua o igoa, aemaise lava i latou e le'i nonofo i Israelu. (Ga 12:12; 13:1) O se faaa'oa'oga, e foliga mai o nisi o tauaiga o Paulo na iai fo'i o latou igoa Roma po o igoa Eleni. (Ro 16:

7, 21) I le avea ai ma “apostolo o nuu ese,” na faatonuina Paulo e folafola atu le tala lelei i tagata e lē o ni lutaia. (Ro 11:13) E foliga mai na filifili Paulo e faaaogā lona igoa Roma; atonu na ia manatu e faigofie ai ona talia o ia e tagata o isi atunu. (Ga 9:15; Ka 2:7, 8) Na faapea mai nisi, na faaaogā e Paulo lona igoa Roma e faaalia ai lona faaaloalogia o Sekio Paulo. Ae e foliga mai e lē o le tulaga lenā, talu ai na faaaogā pea e Paulo lona igoa Roma e oo lava i le taimi na ia tuua ai Kuperu. Na manatu nisi na ‘alofia e Paulo le faaaogā o lona igoa Eperu, talu ai o le faaleoga i le gagana Eleni e talitutusa ma le upu Eleni e faasino atu i se tagata (po o se manu), e faalialiavale pe a savali.

Paulo: I Tusitusiga Paia Eleni, o le igoa *Pau'-los*, e sau mai i le faa-Latina *Paulus*, o lona uiga o le “La’itiiti.” E 157 taimi o loo faasino atu ai i le apostolo o Paulo, ae e na o le fatasti ona faasino atu i le suikonesula o Kuperu o Sekio Paulo.—Ga 13:7.

Faitau Tusi Paia

(Galuega 12:1-17) O le taimi tonu lenā ua tau-mafai malosi ai le tupu o Herota e sauāina nisi o le faapotopotoga.² Ua ia fasiotia lakopo le uso o loane i le pelu.³ Ina ua ia iloa ua faafafia-inia ai tagata lutaia i lea mea, ona ia pu'e fo'i lea iā Peteru. (O aso na o falaoa e lē faafefeteina.)⁴ Ua maua o ia ma ua tuu i le falepuipui, ma tuuina atu o ia ia leoleoina e fitafita e ta'i to'afā, e feauaua'i i a latou tiute e fā, ma lona manatu e avatu o ia i luma o tagata pe a mavae le paseka.⁵ O lea, ua taofia ai Peteru i le falepuipui, a ua tatalo faatauanau le faapotopotoga i le Atua mo ia.⁶ Ua oo i le taimi e avatu ai o ia e Herota i luma o tagata. I lenā pō ua moe Peteru, ua saisaitia i filifili e lua i le va o ni fitafita se to'alua, ma o loo tutū leoleo i le faitoto'a e leoleo le falepuipui.⁷ Faauta, o loo tū mai le

agelu a leova, ma ua susulu mai le malamalamā i le potu o le falepuipui. Ua ia tā le itu o Peteru, ua fafagu iā te ia ma faapea atu: “la e tū vave i luga!” ona pa'u'u ese lea o filifili mai i ona lima.⁸ Ua faapea atu le agelu iā te ia: “la fusi lou ofu ma nonoa ou seevae.” Ona ia faia lea faapea. Mulimuli ane, ona ia toe fai atu lea iā te ia: “la fai lou ofu tele ma mulimuli mai iā te a'u.”⁹ Ona alu lea o ia i fafo ma ua mulimuli atu o ia iā te ia, ae ua lē iloa e ia e moni le mea ua tupu e ala i le agelu. O le mea moni, ua manatu o ia o loo ia vaaia se faaaliga.¹⁰ Ua la pāsia fitafita muamua ma le vaega lona lua, ma ua oo atu i le faitoto'a u'amea e aga'i atu i le aai, ona matala fua lea iā i la'ua. Ua la ō i fafo ma aga'i atu i se tasi auala, ona tuua loa lea o ia e le agelu.¹¹ Ua iloa nei e Peteru le mea ua tupu ma faapea ifo: “Ua ou iloa nei, ua auina mai e leova lana agelu e lavea'i iā te a'u mai i le lima o Herota, ma mea uma ua faatalitalia e tagata lutaia.”¹² Ina ua uma ona manatunatu o ia i nei mea, ona alu ai lea i le fale o Maria le tinā o loane, o lē e igoa fo'i iā Mareko, o i inā o loo potopoto ai nisi ma tatalo.¹³ Ua tu'itu'i atu o ia i le faitoto'a o le pā, ona sau ai lea o le auauna teine e igoa iā Rosa i le faitoto'a e vaai,¹⁴ ma ina ua ia iloa o le leo lea o Peteru, ona matuā fiafia lea o ia ma ua tamo'e e ta'u atu le tala e faapea, o loo tū Peteru i le faitoto'a, ae na te le'i tatalaina le faitoto'a o le pa.¹⁵ Ua latou fai mai iā te ia: “Ua e valea.” Ae ua ia matuā finau atu e sa'o lana tala. Ona latou faapea ane lea: “O lana agelu.”¹⁶ A ua tu'itu'i atu pea Peteru. Ina ua latou tatala le faitoto'a o le pa, ua latou vaaia ai o ia ma ua matuā ofo ai.¹⁷ Ae ua talo atu o ia iā i latou e aua le pisa, ona ia faamatala au'ilī'ilī atu lea o le aveesea mai o ia e leova mai i le falepuipui, ma faapea atu: “la ta'u atu nei mea iā lakopo ma le ‘auuso.” Ona alu ai lea o ia i fafo ma mala-ga atu i se isi mea.

TESEMA 17-23

'OA TAUTELE MAI I LE AFIOGA A LE ATUA | GALUEGA 15-16

"Se Faa'iuga Autasi na Faavae i le Afioga a le Atua"

(Galuega 15:1, 2) Ua ò ifo nisi tagata mai i lutaia ma a'oa'o atu i le 'auuso e faapea: "Afaí e lē peritomeina outou e tusa ai ma le tū a Mose, e lē mafai ona faolaina outou." ² Peita'i, ina ua fevaevaea'i i latou ma fefinaua'i ma Paulo ma Panapa, ona latou fuafua lea ina ia ò Paulo, Panapa, ma nisi o i latou i le 'auaposetolo ma toeaina i Ierusalem e faatatau i lenei finauga.

bt 102-103 ¶8

"Ua Fevaevaea'i"

⁸ Ua faapea atili mai Luka: 'Ina ua fevaevaea'i ma fefinaua'i nei tagata ma Paulo ma Panapa, ona fuafua lea e toeaina ina ia ò Paulo, Panapa, ma nisi o i latou i le 'auaposetolo ma toeaina i Ierusalem e faatatau i lenei finauga.' (Galu. 15:2) O le 'fevaevaea'i ma le fefinaua'i, na atagia ai faalogona malolosi, ma talitonuga maumaututū o itu uma e lua, ma e le'i mafai ona fo'ia e le faapotopotoga i Anetioka le mataupu. Ona o le naunau e tausia le filemu ma le autasi, na fuafua ai ma le atamai e le faapotopotoga, e avatu le fesili "i le 'auaposetolo ma toeaina i Ierusalem," o è o loo faia a'e ai le vaega pule. O le ã e tatou te a'oa'oina mai i toeaina i Anetioka?

(Galuega 15:13-20) Ina ua uma atu a la upu, ona tali mai lea o lakopo e faapea: "Le 'auuso e, ia faalogo mai iā te a'u." ¹⁴ Ua uma ona faamatala au'il'iili atu e Simeona e faapea, o le ulua'i taimi lea ua silasila ai le Atua i nuu ese, ina ia filifilia mai ai ni tagata mo lona suafa. ¹⁵ Ua tusa lenei mea ma upu a le 'au Perofeta e pei ona tusia, ¹⁶ 'Pe a mavae nei mea, ou te toe sau ma toe fausia le fale'ie o Tavita ua pa'ū; ou te toe atia'e fo'i mea ua lepetia ma toe faatūina, ina ia mafai ai e è ua totoe o *nei tagata*, ona matuā sa'ilī iā leova faatasi ai ma tagata o atunuuma, o tagata ua valaauina i lo'u igoa, ua fetalai mai ai leova, o lē ua faia nei mea ¹⁸ na iloa mai i aso anamuā.' ¹⁹ O lea la, o la'u filifiliga, ia aua ne'i faapopoleina ai tagata o nuu ese, o è ua liliu atu i le Atua, ²⁰ ae ia tusi atu iā i latou ina ia taumamao mai i mea ua leaga ona o le ifo i tupua, ma le fai-taaga, ma mea ua titina, ma le toto.

w12 1/15 5 ¶6-7

E Faatāua e Kerisiano Moni le Afioga a le Atua

⁶ O le mau na fesoasoani e fo'ia ai le mataupu, o le Amosa 9:11, 12, lea o loo sii mai i le Galuega 15:16, 17, e faapea: "Ou te toe sau ma toe fausia le fale'ie o Tavita ua pa'ū; ou te toe atia'e fo'i mea ua lepetia ma toe faatūina, ina ia mafai ai e è ua totoe o *nei tagata*, ona matuā sa'ilī iā leova *faatasi ai ma tagata o atunuuma*, o tagata ua valaauina i lo'u igoa, ua fetalai mai ai leova."

⁷ Ae atonu e faapea mai se tasi, 'E lē o ta'u mai i le mau e faapea e lē tatau ona peritomeina ē e talitonu mai Nuu Ese.' E moni, ae peita'i, na malamalamā Kerisiano lutaia i le manatu. E le'i manatu i latou i tagata mai Nuu Ese ua uma ona *peritomeina*, o ni tagata mai 'i isi atunu,' ae na latou talia o i latou o ni uso. (Eso. 12:48, 49) O se faaa'oa'oga, e tusa ai ma le faaliliuga a Bagster o le *Septuagint*, ua faapea mai le Eseta 8:17: "O le to'atele fo'i o tagata o Nuu Ese ua uma ona peritomeina, na avea *ma tagata lutaia*." O lea la, na manino le manatu ina ua folafola mai i Tusitusiga Paia, o le a avea i latou na totoe o le fale o Israelu (tagata lutaia ma tagata o Nuu Ese na liulotu ma peritomeina) *faatasi* ma "tagata o atunuuma" (tagata o Nuu Ese e *lē peritomeina*), o ni tagata mo le suafa o le Atua. Sa lē mana'omia ona peritomeina ni tagata mai Nuu Ese ina ia avea ai ma Kerisiano.

(Galuega 15:28, 29) Auā ua tonu i le agaga paia ma i matou nei, ia lē faaopoopo atu nisi avega iā te outou, ae e na o nei mea e tatau, ²⁹ ia faaauau ona taumamao mai i mea ua faataulaga mo tupua, ma le toto, ma mea ua titina, ma le faitaaga. Afai tou te matuā taumamao mai i nei mea, ona lelei ai lea o outou. la outou manuia!"

(Galuega 16:4, 5) A o latou ō atu i aai, ua latou tuuina atu iā i latou i inā o poloa'iga na faia e le 'auapostolo ma toeaina i Ierusalem, ina ia latou tausia. ⁵ O le mea lea, ua faaauau ai ona faamalosia le faatuatua o faapotopotoga, ma faatuputeleina ai mai i lea aso i lea aso.

bt 123 ¶18

"Faamalosiau i Faapotopotoga"

¹⁸ E tele tausaga o galulue faatasi Paulo ma Timoteo. I le avea o ni faife'au femalagaa'i, na la faia ai le tele o tofiga eseese e fai ma sui o le vaega pule. Ua faapea mai le Tusi Paia: "A o latou ō atu i aai, ua latou tuuina atu iā i latou i inā o poloa'iga na faia e le 'auapostolo ma toeaina i Ierusalem, ina ia latou tausia." (Galu. 16:4) E manino mai, sa mulimuli le faapotopotoga i le faatonuga mai i apostolo ma toeaina i Ierusalem. Ma o le i'uuga "ua faaauau ai ona faamalosia le faatuatua o faapotopotoga, ma faatuputeleina ai mai i lea aso i lea aso," ona o le usiusita'i.—Galu. 16:5.

Sa'ilil'liga Loloto mo 'Oa Faaleagaga

(Galuega 16:6-9) Ua latou ui atu i Ferukia ma le atunu o Kalatia, auā ua faasāina i latou e le agaga paia ona tala'i atu le upu i le itumalo o Asia. ⁷ Ina ua ō ifo fo'i i Musia, ua latou tau-mafai e ō atu i Pitunia, peita'i e le'i faatagaina i latou e lesu e ala i le agaga. ⁸ Ua latou pasia Musia ma ō ifo i Teroa. ⁹ Ua maua e Paulo se faaaliga i le pō: o loo tū se tasi tamāloa Maketonia ma 'ai'oi ane iā te ia: "la e sau i Maketonia e fesoasoani mai iā i matou."

w12 1/15 10 ¶8

la Iloa Mai i Aposetolo o Iesu le Auala e Faauau ai Ona Mataala

⁸ O le ā e tatou te a'oa'oina mai i lenei tala? la mātau, na faato'ā ta'ita'ia Paulo e le agaga o le Atua *ina ua* amata ona alu lana malaga mo Asia ma na faato'ā avatu lava e lesu le faatonuga iā Paulo *ina ua* latalata i Pitunia. Na faato'ā faatonu fo'i e lesu Paulo e alu i Maketonia, *ina ua* taunu i Teroa. I le avea ai o lesu ma Ulu o le faapotopotoga, e ono faapena fo'i le auala e na te faatonutonuina ai i tatou. (Kolo. 1:18) O se faata'ita'iga, atonu o loo e mafaufau e te paeonia pe siitia atu i se vaipanoa o loo matuā mana'omia ai ni tagata tala'i. Atonu e faato'ā ta'ita'ia lava oe e lesu e ala i le agaga o le Atua, *pe afai* e fai sau taumafaiga e faatino lou sini. O se faata'ita'iga: E faato'ā mafai lava e se avetaavale ona liliu lana taavale aga'i i le itu tauagavale po o le taumatau, pe afai o loo alu le taavale. I se auala talitutusa, e ono faasino mai e lesu le auala e faalautele ai la tatou faiva, ae se'i vaganā ua tatou gaoioi muamua—pe afai o loo tatou matuā taumafai lava e ausia lo tatou sini.

(Galuega 16:37) Ae ua faapea atu Paulo iā i latou: "Ua latou sasaina i ma'ua i luma o tagata, o i ma'ua o tagata Roma e leai se sala, ma tuuina i ma'ua i le falepuipui; a o lenei po ua manana'o ea e tatala faalilolilo i ma'ua? E leai! la fai i ai e ō mai e tatala i ma'ua."

nwtsty faamatalaga mo su'esu'ega o le Ga 16:37

o i ma'ua o tagata Roma: O Iona uiga o ni tagatānuu Roma. O Paulo o se tagatānuu Roma ma e foliga mai e faapena fo'i Sila. I le tulafono a Roma, o so o se tagatānuu Roma e tatau ona aloa'ia sona faamasinoga ma e lē tatau ona faasalaina i luma o tagata ae e le'i faamaonia sana solitulafono. I le avea ai o se

tasi ma tagatānuu Roma, e iā te ia aiā tatau ma faamanuiaga i so o se vaipanoa o le emepaea o Roma e alu i ai. E usiusita'i o ia i tulafono a Roma, ae e lē o tulafono o aai o itumalo o Roma. A molia, e ono malie o ia e faia lona faamasinoga e tusa ai ma tulafono a na itumalo. Peita'i, e iai pea lana aiā e filifili ai e faia lona faamasinoga i se faamasinoga a Roma. Pe a faasala i le otī se tasi, e iai lana aiā e apili ai lana mataupu i le emeperoa. E tele vaipanoa o le emepaea o Roma na oo i ai le tala'iga a le apostolo o Paulo. E tolu taimi ua faamauina na ia faaaogā ai lana aiā o se tagatānuu Roma. (1) Ina ua ia faailoa atu i alii faamasino i Filipi, ua latou lē amana'ia lana aiā tatau e ala i le sasaina o ia. (2) Na ia faailoa atu lona tulaga o se tagatānuu o Roma ina ia 'alofia ai le sauāina o ia i Ierusalem. (3) Sa ia talosaga e tuu atu lona faamasinoga e faia e le emeperoa o Roma, o Kaisara.—Galuega 16:37-39; 22:25-28; 25:10-12.

Faitau Tusi Paia

(Galuega 16:25-40) Ae i le vaeluapō, ua tatalo ai Paulo ma Sila ma usu viiga i le Atua; ma ua faalogo fo'i i ai isi pagota. ²⁶ Ona faafuase'i lea ona lūlū se mafui'e malosi, ma ua lūlūina ai faavae o le falepuipui. Ua matalatala ai faitoto'a uma, ma mamulu ai mea ua saisaitia ai i latou uma. ²⁷ Ona ala lea i luga o le leoleo o le falepuipui, ma iloa ai ua matalatala faitoto'a. Ua se'i a'e lana pelu o le a pule i lona ola, auā ua manatu ua sosola pagota. ²⁸ Peita'i, ua alaga Paulo ma faapea atu: "Aua ne'i e faia lenā mea iā te oe, o loo matou iai uma lava i inei!" ²⁹ Ua ia fai atu e aumai ni molī ma ua oso mai i totonu, ona faapa'u atu lea i luma o Paulo ma Sila, ma ua gatete o ia. ³⁰ Ua ia aumaia i la'ua i fafo ma faapea mai: "Lua susuga e, o le ā se mea e ao ona ou faia ina ia faaolaina ai a'u?" ³¹ Ua la tali atu: "la e talitonu i le Alii o lesu Keriso, ona faaolaina ai lea o oe ma lou aiga."

³² Ua la ta'u atu le afioga a leova iā te ia ma lona aiga. ³³ Ua ia aveina fo'i i la'ua i lea lava taimi o le pō, ma mulumulu o la manu'a, ona papatisoina ai loa lea o ia ma lona aiga atoa. ³⁴ Ua ia aumaia i la'ua i lona fale ma laulau atu mea'ai mo i la'ua. Ua matuā olioli o ia ma lona aiga auā o lea ua ia talitonu i le Atua. ³⁵ Ina ua ao, ona aauina mai lea e alii faamasino ia leo-leo e faapea mai: "Inā tatala atu ia na tagata." ³⁶ Ona ta'u mai lea e le leoleo o le falepuipui a latou upu iā Paulo e faapea: "Ua aauina mai e alii faamasino ia tagata e tatala iā te oulu. O lea la, inā ō mai ia, ma ia lua ō ma le filemu." ³⁷ Ae ua faapea atu Paulo iā i latou: "Ua latou sasaina i ma'ua i luma o tagata, o i ma'ua o tagata Roma e leai se sala, ma tuuina i ma'ua i le falepuipui; a o lenei po ua manana'o ea e tatala faalilolilo i ma'ua? E leai! la fai i ai e ō mai e tatala i ma'ua." ³⁸ Ua ta'u atu e leoleo nei faamatalaga i alii faamasino. Ona fefefe ai lea o i latou ina ua faalogo o ni tagata Roma i la'ua. ³⁹ O le mea lea, ua latou ō mai ai ma 'ai'oi mai iā i la'ua, ma tatalaina i la'ua. Ua latou talosaga mai fo'i ina ia la tuua le aai. ⁴⁰ Peita'i, ua la tuua le falepuipui ma ō atu i le fale o Litia, ma ina ua la feiloa'i atu i le 'auuso, ua la faa-laeiau atu iā i latou, ona la ō ai loa lea.

TESEMA 24-30

'OA TAUTELE MAI I LE AFIOGA A LE ATUA | GALUEGA 17-18

"Faaa'oa'o i le Apostolo o Paulo i le A'oa'o ma le Tala'i"

(Galuega 17:2, 3) Ua ulufale atu Paulo e tusa ai ma lana masani, ma e tolu fo'i sapati o fetufaa'i o ia ma i latou i Tusitusiga Paia, ³ ua ia faamatala atu ma faamaonia e ala i mea ua tusia, e tatau ona tigāina o le Keriso ma toe faatūina mai i le otī, ma faapea atu: "O le Keriso lenei, o lesu, o lē ua ou faailoa atu iā te outou."

nwtsty faamatalaga mo su'esu'ega o le Ga 17:2, 3

fetufaa'i: E le'i tau ina ta'u atu e Paulo le tala lelei. Na ia faamatala ma faailoa atu faamaoniga **mai i Tusitusiga Paia**, o lona uiga o Tusitusiga Paia Eperu. E le'i tau ina faitau atu; na ia fetufaa'i ma i latou, ma na fua le auala na talanoa ai i le tulaga o le 'au faalogologo. O le veape Eleni *di-a-le'go-mai* e uiga atu i le "fefaasoaa'i o faamatalaga, fetalanoaa'i, soālaupule." E faailoa mai ai ni tagata o loo talanoa. O le upu Eleni fo'i lenei o loo faaaogā i le Ga 17:17; 18:4, 19; 19:8, 9; 20:7, 9.

faamaonia e ala i mea ua tusia: O le upu Eleni pe a faaliliuina i le upu i le upu o lona uiga ia "tuu i tafatafa (tuu i le itu)." E ono faasino atu i le faatusatusa ma le faaeteete e Paulo o valoaga e faatatau i le Mesia i Tusitusiga Paia Eperu, ma mea na tutupu i le soifuaga o lesu, e faailoa ai le auala na faataunuina ai e lesu na valoaga.

(Galuega 17:17) Ona ia fetufaa'i lea ma tagata lutaia i le sunako, ma isi tagata o ē e tapua'i i le Atua, ma i latou uma e feiloa'i i ai i aso uma i le maketi.

nwtsty faamatalaga mo su'esu'ega o le Ga 17:17

le maketi: I le itu i mātū i sisifo o le Acropolis, na iai le maketi (faa-Eleni, a·go·ra') o Atenai, o se nofoaga e tusa ma le 12 eka le telē. O lenei maketi e lē na o se nofoaga mo fefaataua'iga o oloa. Na avea fo'i ma nofoaga autū e talanoaina ai matapu tau tamaoiga, faaplotiki, ma le faaleaganuu. Sa fiafia tagata Atenai e faapotopoto i lenei nofoaga lauiloa, ma talanoaina ai a'oāoga a tagata.

(Galuega 17:22, 23) Ona tū lea o Paulo i le ogatotonu o Areopako ma faapea atu: "Tagata Atenai e, ua ou iloa i mea uma lava, ua sili atu lo outou matata'u i atua nai lo o isi tagata.

²³ Auā a o o'u savali ane ma vaavaai toto'a i mea o loo outou tapua'i i ai, ua ou iloa ai se fata fataulaga ua tusia ai 'Mo le Atua e Lē iloa.' O lenei, o ia ua outou tapua'i i ai ma le lē iloa, ou te faailoa atu nei iā te outou.

nwtsty faamatalaga mo su'esu'ega o le Ga 17:22, 23

Mo le Atua e Lē iloa. O upu Eleni *A·gno'stoi the·o'i* o se vaega o le faamatalaga na tusia i luga o se fata fataulaga i Atenai. Na faaalia e tagata Atenai le matata'u i atua e ala i le flesia o le tele o malumalu ma fata fataulaga, e oo lava i fata fataulaga mo uiga masani e pei o le Ta'uta'ua, Faamaulalo, Malosi, Faatalitonu, ma le Tigā Alofa. Na latou faia fo'i se fata fataulaga "mo le Atua e Lē iloa," ona atonu na popole ina ne'i iai se atua e misi ma i'u ina to'asā ai lenā atua iā i latou. O le faia o lenā fata fataulaga, na latou faailoa mai ai o loo iai se Atua lea e latou te lē iloaina. Na faaaogā loa ma le atamai e Paulo lenā fata fataulaga e fai ma faavae o lana tala'iga, e tata'i ai lana 'aufaalogologo i le Atua moni lea e latou te le'i iloa i lenā taimi.

Sa'illi'iliga Loloto mo 'Oa Faaleagaga

(Galuega 18:18) Ua nofo ai pea i inā Paulo i aso e tele. Ona faamavae lea o ia i le 'auuso, ma folau atu i Suria faatasi ai ma Pisila ma Akula, ma ua 'oti faapupuu lona ulu i Kenikerea ona o lana tautoga na fai.

w08 5/15 32 ¶5

Manatu Tāua Mai le Tusi o Galuega

18:18—O le ā le tautoga sa faia e Paulo? Na faapea mai nisi tagata popoto sa faia e Paulo le tautoga o tagata Naseri. (Nu. 6:1-21) Peita'i, e lē o ta'ua i le Tusi Paia po o le ā le tautoga na faia e Paulo. E lē gata i lea, e lē o ta'ua mai i le Tusi Paia pe na faia le tautoga a o le'i liliu Paulo pe ina ua uma ona liliu, po o faatoā amata po o ua faai'u fo'i le faia o le tautoga.

Po o le ā lava le tulaga sa iai, ae e lē o se aga-sala le faia o lea tautoga.

(Galuega 18:21) a ua faamavae atu ma faapea atu iā i latou: “Ou te toe fo'i mai iā te outou pe a finagalo i ai leova.” Ona folau atu ai lea o ia mai i Efeso

nwtsty faamatalaga mo su'esu'ega o le Ga 18:21

pe a finagalo i ai leova: O lo o faamatilila i lenei faaupuga le tatau ona faaaofia o le finagalo o le Atua, i so o se mea e tatou te faia pe fuafua e fai. Na teuloto e le apostolo o Paulo lenei mataupu silisili. (1Ko 4:19; 16:7; Epe 6:3) Na faalaeiauina fo'i e le soo o lakopo lana ‘aufaitau: “Pe a finagalo i ai leova, e tatou te maua le ola, ma faia ai lea mea ma lea mea.” (Ia 4:15) E lē o se faaupuga e tau ina fai; o se tasi e fai atu ma le faamaoni “pe a finagalo i ai leova,” e tatau ona gaoioi o ia e ōgatusa ma le finagalo o leova. O lenei faaupuga e lē tau mana'omia ona faaleo atu i taimi uma, ae o se mea e tatau ona mafaufau i ai i le tele o taimi.

Faitau Tusi Paia

(Galuega 17:1-15) Ua malaga atu i la'ua e ui atu i Amefipoli ma Apolonia, ma taunuū atu ai i Tesalonia, o i inā e iai le sunako o tagata lutaia.² Ua ulufale atu Paulo e tusa ai ma lana masani, ma e tolu fo'i sapati o fetufaa'i o ia ma i latou i Tusitusiga Paia,³ ua ia faamatala atu ma faamaonia e ala i mea ua tusia, e tatau ona tigāina o le Keriso ma toe faatuina mai i le otī, ma faapea atu: “O le Keriso lenei, o lesu, o lē ua ou faailoa atu iā te outou.”⁴ Ona talitonu ai lea o nisi o i latou ma aufaatasi atu iā Paulo ma Sila, atoa fo'i ma le to'atele o tagata Eleni o ē tapua'i i le Atua, faapea fo'i ma le to'atele o tamā'ita'i tāua.⁵ Peita'i ane, ua lotoleaga tagata lutaia, ma latou aamia ni tagata amioleaga o ē e tafafaovale i le maketi, ua faapotopoto mai iā i latou ma ua faavevesi ai le aai. Ona latou

osofa'ia lea o le fale o lasona, ma taumafai e aumai i la'ua i tagata faatupu vevesi.⁶ Ina ua lē maua i la'ua, ona fetoso lea e nei tagata ia lasona ma nisi o le 'auuso i alii pule o le nuu, ma alalaga atu: “O lea ua tatou faatasi ma tagata faatupu vevesi i le lalolagi atoa,⁷ ma ua talia ma le agalelei i latou e lasona. Ua tetee atu fo'i nei tagata uma i poloa'iga a Kaisara ma faapea atu, ua iai se isi tupu, o lesu lea.”⁸ Ua latou matuā faavevesi le motu o tagata ma alii pule o le nuu, ina ua latou faalogo i nei mea;⁹ ma ina ua lava le tupe na totogi e lasona ma isi e tatala ai i latou, ona tuu atu lea o i latou e ō.¹⁰ Ina ua pō, ona aauina atu loa lea e le 'auuso o Paulo ma Sila i Perea, ma ina ua taunuū, ona ō atu ai lea o i la'ua i le sunako o tagata lutaia.¹¹ Ua sili atu ona naunau na tagata e su'esu'e nai lo i latou o i Tesalonia, auā ua latou talaina le upu ma le fiafia tele, ua latou matuā iloiloina Tusitusiga Paia i aso ta'itasi pe e moni nei mea.¹² Ona talitonu ai lea o le to'atele o i latou, faapea fo'i le to'atele o fafine ma tamāloloa aloa'ia o Eleni.¹³ Ae ina ua iloa e tagata lutaia mai i Tesalonia ua folafola atu e Paulo le afioga a le Atua i Perea, ona latou ō mai fo'i lea ua faaoso ma faaita le motu o tagata.¹⁴ Ona auiina atu loa lea e uso ia Paulo ina ia alu atu i tai, ae ua nonofo ai pea Sila ma Timoteo.¹⁵ Ae peita'i, o ē ua momolia Paulo, ua latou ave iā te ia e oo i Atenai, ona ia poloa'i atu lea iā i latou, ina ia ō mai vave Sila ma Timoteo iā te ia, ona latou ō ai lea.

TESEMA 31-IANUARI 6

'OA TAUTELE MAI I LE AFIOGA A LE ATUA | GALUEGA 19-20

"Ia Ua'i iā te Outou Lava, ma le Lafu Mamoe Uma"

(Galuega 20:28) O lea, ia outou ua'i iā te outou lava, ma le lafu mamoe uma, o ē ua tofia i ai outou e le agaga paia e fai ma ovasia, ina

ia leoleo le faapotopotoga a le Atua, lea ua ia faatauina mai i le toto o lona lava Alo.

w11 6/15 20-21 ¶5

“Ia Leoleo i le Lafu Mamoe a le Atua o Loo Outou Tausia”

⁵ Na tusi Peteru e ao i toeaina ona ‘leoleoina le lafu mamoe a le Atua o loo latou tausia.’ E tāua tele ona latou iloa, o leova ma lesu Keriso e ana le lafu mamoe. E mana’omia ona tali atu toeaina i le Atua e tusa ai ma le auala o loo latou vaavaaia ai lana lafu. Se’i faapea ua mana’o sau uō e te vaaia lana fanau a o malaga ese. Po o le a e lē tausia lelei lana fanau ma fafaga i latou? Afai e ma’i se tasi o lana fanau, po o le a e lē faamautinoa ua ia maua se fesoasoani mai i se foma’i? E faapena fo’i toeaina o le faapotopotoga, e ao ona latou “leoleo le faapotopotoga a le Atua, lea ua ia faatauina mai i le toto o lona lava Alo.” (Galu. 20:28) E latou te manatua ua faatauina mamoe ta’ito’atasi i le toto tāua o lesu Keriso. Talu ai e tali atu toeaina i le Atua, o lea e latou te fafagaina ai, puipuia ma tausia le lafu.

(Galuega 20:31) “O lea, ia outou mataala ai ma ia manatua, e tolu tausaga o o’u apoapo-a’i atu pea ma loimata i tagata ta’ito’atasi i le ao ma le pō.

w13 1/15 31 ¶15

O Toeaina—O se “Aufaigaluega mo lo Tatou Olioli”

¹⁵ O toeaina o ni ē e galulue mamafa. O nisi taimi e latou te lē momoe ona o le popole i o latou uso ma tuafafine. Pe atonu fo’i e toe feala i le leva o le pō e tatalo mo i latou, pe ave fo’i i ai le fesoasoani pe a mana’omia. (2 Kori. 11:27, 28) E pei o Paulo, e fiafia toeaina e fesoasoani i isi. Na ia tusi atu iā i latou i Korinito e faapea: “Ua ou naunau tele e faa-aogā mea uma ua iā te a’u, ma lo’u malosi atoa ona o o outou ola.” (2 Kori. 12:15) O le

alofa o Paulo i ona uso, na ia faaalu ai lona malosi e fesoasoani ai iā i latou. (**Faitau le 2 Korinito 2:4**; Fili. 2:17; 1 Tesa. 2:8) O le mā-fuaaga lea na alofagia ai e le ‘auuso Paulo. —Galu. 20:31-38.

(Galuega 20:35) Ua ou faaali atu iā te outou i mea uma lava, o galuega faapenei e tatau ona outou fesoasoani atu ai iā i latou ua vaivai, ma ia manatua fo’i upu a le Alii o lesu, ina ua ia fetalai mai, ‘E sili le fiafia e maua i le foa’i atu i lo o le talia mai.’

bt 172 ¶20

“Ua Mamā A’u Mai i le Toto o Tagata Uma”

²⁰ Sa matuā eseese le olaga o Paulo, ma olaga o i latou na mulimuli ane faaaogā sesē le lafu e sa’ilia ai o latou lava lelei. Sa galue o ia e tausia o ia lava, ina ia lē avea ma avega mamafa i le faapotopotoga. O ana mea na fai mo ona uso talitonu, e lē ina ia maua ai ni ana meafaitino. Na uuna’ia e Paulo toeaina i Efeso, ia faaalia le agaga faataulaga. Na ia ta’u atu iā i latou: “E tatau ona outou fesoasoani atu . . . iā i latou ua vaivai, ma ia manatua fo’i upu a le Alii o lesu, ina ua ia fetalai mai, ‘E sili le fiafia e maua i le foa’i atu i lo o le talia mai.’” —Galu. 20:35.

Sa’ili’iliga Loloto mo ‘Oa Faaleagaga

(Galuega 19:9) Ae ina ua lotomaaa pea nisi ma lē talitonu, ma fai upuleaga i Le Ala i luma o tagata, ona tuumuli lea o ia mai iā i latou, ma aveese le ‘ausoo, ua lauga atu fo’i o ia i aso uma i le falea’oga o Turano.

bt 161 ¶11

“Ua Matuā Tupu Tele . . . ma ua Manumalo” e ui i Teteega

¹¹ Atonu na lauga atu Paulo i lenā falea’oga i aso ta’itasi, mai i le 11:00 i le taeao se’ia oo i le 4:00 i le afiafi. (Galu. 19:9, fpl.) E foliga mai o le taimi lenā o le aso e sili ona to’afilemu, ae sili fo’i ona vevela, a o mālōlō le to’atele mai i

a latou galuega mo se taumafataga. Se'i manatu, pe ana mulimuli Paulo i lenā faasologa pisi mo le lua tausaga, o lona uiga la e na te faaalu le silia i le 3,000 itula e a'oa'o atu ai. O le tasi lenei o auala na tupu tele ai ma salalau atu le afioga a leova. Sa galue mamafa ma fetuutuuna'i Paulo. Sa fetuuna'i e Paulo lana faasologa, ina ia fetaui lana faiva ma mana'oga o tagata o le nuu. O le ā le i'uga? "Ua faalogo i le upu a le Alii, o tagata uma o i le itumalo o Asia, o tagata lutaia atoa fo'i ma Eleni." (Galu. 19:10) Ma'eu se molimau māe'a-e'a na ia avatu!

(Galuega 19:19) O le mea moni, e to'atele i latou o ē na faia faiga faaagaga, ua faaputuputu faatasi a latou tusi, ma susunu ai i le afi i luma o tagata uma. Ua latou faitauina fo'i le tau ma iloa ai, e tusa ma le lima sefulu afe tupe siliva.

bt 162-163 ¶15

"Ua Matuā Tupu Tele . . . ma ua Manumalo" e ui i Teteega

¹⁵ O le faalumaina o atalii o Seva, na i'u ai ina matata'u le to'atele i le Atua, ma uuna'ia ai fo'i isi e talitonu ma lafoa'i faiga faaagaga. Na matuā taa'ina aganuu a Efeso i faiga faataulāitu. Sa tusia i tusi le tele o faiga faalauatau ma tapui, faapea fo'i upu faataulāitu sa lagi faapese. Na uuna'ia le to'atele o tagata Efeso e aumai a latou tusi e faatatau i faiga faataulāitu, ma susunu i luma o le lautele—e ui o nei tusi e faitau afe tālā le tau pe a faatusatusa i aso nei. Ua ta'ua e Luka e faapea: "Ua matuā tupu tele ai le afioga a leova, ma ua manumalo." (Galu. 19:17-20) Ma'eu se manumalo ofoofogia o le upu moni mai i a'oa'oga pepelo ma faiga faatemoni! Na faataatia e na tagata faamaoni se faaa'oa'oga lelei mo i tatou i aso nei. Ua faapena fo'i ona tatou ola i se lalolagi ua matuā aafia i faiga faaagaga. Pe a tatou maua se mea e fesoota'i atu ma faiga faagaga, e tatau ona tatou faia e pei ona sa faia

e tagata Efeso—ia aveese loa lava! Se'i o tatou taumamao mai i nei faiga inosia e tusa lava po o le ā le tulaga.

Faitau Tusi Paia

(Galuega 19:1-20) I le faagasologa o aso, a o iai Apolo i Korinito, ua malaga atu ai Paulo i uta ma alu ifo i Efeso, ona maua ai lea e ia o ni soo; ² ma ua ia fai atu iā i latou: "Pe na outou maua le agaga paia, ina ua outou talitonu?" Ua latou tali mai iā te ia: "Matou te le'i faalogo lava pe faapefea ona maua le agaga paia." ³ Ona ia fai atu lea: "O le papatisoga a ai na papatisoina ai outou?" Ua latou fai mai: "O le papatisoga a loane." ⁴ Ua fai atu Paulo: "Na papatiso loane i le papatisoga lea e fai ma faailogia o le salamō, ma ia ta'u atu i tagata ina ia talitonu i lē o loo mulimuli mai, o lesu lea." ⁵ Ina ua faalogo i lenei mea, ona papatisoina lea o i latou i le suafa o le Alii o lesu. ⁶ Ua faaee atu lima o Paulo iā i latou, ona alu ifo lea o le agaga paia i o latou luga, ma latou tautala ai i gagana eseese ma fai valoaga. ⁷ O le aofa'i o i latou, e tusa ma le to'asefulu lua tane. ⁸ Ua ulu atu o ia i le sunako, ma tautala atu ma le lototele mo le tolu masina. Ua lauga atu o ia ma le maumaua'i e faatatau i le malo o le Atua. ⁹ Ae ina ua lotomaaa pea nisi ma lē talitonu, ma fai upuleaga i Le Ala i luma o tagata, ona tuumuli lea o ia mai iā i latou, ma aveese le 'ausoo, ua lauga atu fo'i o ia i aso uma i le falea'oga o Turano. ¹⁰ Na faia lenei mea mo tau-saga e lua, ma ua faalogo i le upu a le Alii, o tagata uma o i le itumalo o Asia, o tagata lutaia atoa fo'i ma Eleni. ¹¹ Ua faia pea e le Atua galuega mamana i lima o Paulo, ¹² e oo lava i fasi'ie ma ofu mai i lona tino, e ave i tagata mama'i, ona te'a ese ai lea o latou ma'i, ma ū ese mai ai agaga leaga. ¹³ A o nisi tagata o lutaia o loo feoa'i, o ē e tutulia temoni, ua latou taumafai fo'i e faaaogā le suafa o le Alii o lesu i ē ua iai na agaga leaga, i le faapea atu: "Ou te

matuā fai atu iā te outou, i le suafa o lesu, lea o loo tala'ia e Paulo.” ¹⁴ Ua faia fo'i lenei mea e atalii e to'afitu o Seva, o se faitaulaga sili, o ia fo'i o se lutaia. ¹⁵ A ua tali mai le agaga leaga iā i latou: “Ou te iloa lesu, ma ou te masani fo'i iā Paulo; a o ai la outou?” ¹⁶ Ona oso mai ai lea iā i latou o le tagata ua iai le agaga leaga, ma manumalo ai iā i latou uma, ma ua latou to'ilalo ai, ona sosola ese lea o i latou mai i le pale, ua lē lavalavā ma ua manunu'a. ¹⁷ Ua iloa e tagata uma lenei mea, o tagata lutaia atoa ma tagata Eleni o loo nonofo i Efeso; ona matata'u ai lea o i latou uma, ma ua faamamaluina ai le suafa o le Alii o lesu. ¹⁸ Ona ō mai lea o le to'atele o ē e talitonu, ma ta'utino mai a latou agasala, ma faailoa mai fo'i a latou mea sesē. ¹⁹ O le mea moni, e to'atele i latou o ē na faia faiga faaagaga, ua faaputuputu faatasi a latou tusi, ma susunu ai i le afi i luma o tagata uma. Ua latou faitauina fo'i le tau ma iloa ai, e tusa ma le lima sefulu afe tupe siliva. ²⁰ Ua matuā tupu tele ai le afioga a leova, ma ua manumalo.